

中国文献珍本丛书

朝鲜史料汇编
(十)

全国图书馆文献缩微复制中心

朝鮮史料汇编总目录

第一册

宣和奉使高丽图经

第二册

高丽史(卷一—卷八)

第三册

高丽史(卷九—卷十八)

第四册

高丽史(卷十九—卷二十八)

第五册

高丽史(卷二十九—卷三十九)

第六册

高丽史(卷四十—卷四十九)

第七册

高丽史(卷五十一—卷五十六)

第八册

高丽史(卷五十七—卷六十六)

第九册

高丽史(卷六十七—卷七十五)

第十册

高丽史(卷七十六—卷八十四)

第十一册

高丽史(卷八十五—卷九十五)

第十二册

高丽史(卷九十六—卷一〇五)

第十三册

高丽史(卷一〇六—卷一一四)

第十四册

高丽史(卷一一五—卷一二七)

第十五册

高丽史(卷一二八—卷一三七)

第十六册

经略复国要编(卷一—卷七)

第十七册

经略复国要编(卷八—后附)

第十八册

两朝平壤录

万历三大征考

惩毖录

征韩伟略

第十九册

朝鲜纪事

使朝鲜录

朝鮮圖說
朝鮮志

第二十冊

朝鮮史略

清乾隆四十八年朝鮮國王咨文

朝鮮國王李琠上清宣宗（道光）表文

朝鮮國王李煥上清宣宗（道光）表文

朝鮮國王李昇上清文宗（咸丰）表文

朝鮮國王李昇上清穆宗（同治）謝表

朝鮮國王李熙上清穆宗（同治）謝表

志卷第三十

高麗史七十六

正憲大夫工曹判書集賢殿大提學知經筵春秋館事兼成均大司成臣鄭麟趾奉
教修

百官一

高麗太祖開國之初參用新羅泰封之制設官分職以諸庶務然其官號或雜方言蓋草創未暇草也二年立三省六尚書九寺六衛略倣唐制成宗大新制作定內外之官內有省部臺院寺司館局外有牧府州縣官有常守位有定員于是—代之制始大脩文宗睿宗雖少加增損大抵皆襲成宗之舊子孫有所遵守自忠烈改官制凡擬上國者悉改之忠宣受禪

父子互相紛更而官爵大紊及恭愍嗣位二十年之間改官制者四而或從舊制或用新制遂不勝其煩矣大抵高麗之法因時沿革繁簡有異當其立法之始宰相統六部六部統寺監倉庫簡以制繁卑以承尊省不過五樞不過七宰相之職舉而庶司百察各供其職及其弊也省宰增至七八自事元以來事多倉卒僉議密直每于都評議司會議而商議之名又起與國政者至六七十人于是六部徒為虛設百司渙散無統而政事不復修舉矣其設官之制終始得失蓋如此凡諸衙門所統所屬其詳未可考今姑以大小品秩為次錄之其隨立隨罷者亦并錄之以著

一時之事若因事散見而無首尾可考者略之且都監各色因事而置事已則罷或遂置而不罷其名號多出于武臣任意撰定率皆鄙俚然亦皆附錄作百官志

三師三公大師大傅大保為三師大衛司徒司空為三公無其人則缺其始置歲月不可考文宗定三師三公各一人皆正一品忠烈王罷恭愍王立年復置十一年又罷之

門下府掌百揆庶務其郎舍掌諫諍封駁國初稱內議省成宗元年改內史門下省文宗十五年改中書門下省忠烈王元年併尚書省為僉議府五年元賜

僉議府正四品印七年元陞秩為從三品十九年元改為都僉議使司又陞從二品恭愍王五年復稱中書門下省別立尚書省十一年復改都僉議府十八年改門下府

判門下國初稱內議令成宗改內史令文宗改中書令定一人秩從一品忠烈王元年廢不置二十一年置都僉議令以金方慶為之尋以嫌于上國中書令改判都僉議使司事後領都僉議恭愍王五年復改中書令十一年復改領都僉議十八年改領門下辛禡改判門下

侍中成宗置門下侍中文宗定一人秩從一品忠烈

王元年改僉議中贊置左右各一人二十四年忠宣
王受禪改都僉議侍中尋復改中贊三十四年忠宣
在元改政丞省一人忠肅十七年忠惠王復改中贊
後復改右左政丞恭愍王三年復改侍中尋復改右
左政丞五年改門下侍中守侍中十一年復改僉議
右左政丞十二年改金議左右侍中十八年改門下
左右侍中辛昌復改侍中守侍中
贊成事成宗置內史侍郎平章事門下侍郎平章事
文宗定門下侍郎平章事中書侍郎平章事各一人
又于中書門下各置平章事並秩正二品忠烈王元
年改為僉議侍郎贊成事僉議贊成事二十四年忠

宣以宰執員冗論議異同事多稽滯乃罷之尋又復之三十四年忠宣改中護定三人秩仍正二品後複稱平章政事十一年復為僉議贊成事十八年改門下贊成事

評理裨宗時有叅知政事文宗定一人秩從二品忠烈王元年改僉議叅理三十四年忠宣改評理增為三人忠肅王十七年復改叅理叅慰王五年復改叅知政事十一年復改僉議評理十八年改叅知門下府事二十一年改門下評理

政堂文學文宗庭一人秩從二品忠烈王元年改叅文學事十六年復改政堂文學忠宣王罷後復置之

知門下府事文宗定知門下省事一人秩從二品忠烈王元年改知僉議府事忠宣王罷恭愍王五年復改知門下省事十一年改知都僉議事十八年改知門下府事

常侍穆宗時有左右散騎常侍文宗定左右各一人秩正三品俊改左右常侍忠烈王二十四年忠宣復改左右散騎常侍尋復改左右常侍恭愍王五年復改左右散騎常侍十一年復改左右常侍十八年復改左右散騎常侍二十一年復改左右常侍直門下文宗定一人秩從三品睿宗十一年詔立本品行頭忠烈王二十四年忠宣罷恭愍王元年置直都

食議五年復改直門下十一年復改直都食議後復改直門下

司議大夫穆宗時有左右諫議大夫文宗定左右各一人秩正四品睿宗十一年詔立本品行頭後改左右司議大夫忠烈王二十四年忠宣改左右諫議大夫降從四品後復改左右司議大夫恭愍王五年復改諫議大夫陞從三品班在直門下上十一年復改右左司議大夫十八年復改左右諫議大夫二十一年復改左右司議大夫給事中文宗定一人秩從四品後改稱中書事忠烈王二十四年忠宣復改給事中三十四年忠宣罷恭

愍王元年復置中事尋罷之

舍人太祖十三年置內議舍人成宗改內史舍人文
宗改中書舍人定一人秩從四品忠烈王二十四年
忠宣改都僉議舍人陞正四品恭愍王五年復改中
書舍人降從四品十一年改內書舍人十八年改門
下舍人

起居注文宗定一人秩從五品睿宗十一年詔立本
品行頭恭愍王五年陞正五品

起居郎文宗定一人秩從五品恭愍王五年陞正五
品

起居舍人文宗定一人秩從五品恭愍王五年陞正

五品

獻納穆宗時有左右補缺睿宗改左右司諫各一人
 秩正六品後改左右補諫忠烈王二十四年忠宣復
 改左右司諫三十四年忠宣改左右獻納陞正五品
 恭愍王五年復改左右司諫降從五品十一年復改
 右左獻納陞正五品十八年復改左右司諫二十一
 年復改左右獻納
 正書穆宗時有左右拾遺睿宗十一年改左右正言
 各一人秩從六品忠烈王三十四年忠宣改思補陞
 正六品恭愍王五年復改左右正言
 錄事穆宗時有門下錄事文宗定一人秩從七品忠

烈王二十四年改都僉議錄事陞正七品恭愍王五年復改門下錄事十一年復改僉議錄事為階梯正七品十八年復改門下錄事

注書穆宗時有內史主書文宗改中書注書定一人秩從七品忠烈王二十四年改都僉議注書陞正七品恭愍王五年復改門下注書十一年復改僉議注書十八年復改門下注書

典務令一人從七品丞二人從八品錄事二人正九品並忠烈王三十四年忠宣始置尋罷之首領官經歷一人都事二人並忠宣始置尋罷之掾屬文宗置主事六人令史六十番令史六人注